



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



ՔՐԵՏԵՆԹԱ ՀԱՄԱՅՆՔԻ ԿԱԶՄՈՒԹԵԱՆ Բ. ՏԱՐԵԴԱՐՁԻՆ ԱՌԻԹՈՎ
 ՄԱՏՈՒՑՈՒԿ Ս. ՊԱՏԱՐԱԳԻՆ, ԶԱՐՈՉԻ ՊԱՅՈՒՆ ԱՌԱՋՆՈՐԴ ՍՐԲԱԶԱՆ
 ՀԱՅՐԸ ՅՈՐԴՈՐԵՑ.

**ԹՈՂ ՄԵՐ ՇՐԹՆԵՐԸ ԱՍՏՈՒԿ ՓԱՌԱԲԱՆԵԼՈՒ ԵՒ
 ՃՇՄԱՐՏՈՒԹԻՒՆՆԵՐԸ ԽՕՍԵԼՈՒ ԾԱՌԱՅԵՆ
 ԵՒ ՄԵՐ ԱԿԱՆՋՆԵՐԸ՝ ՇԻՏԱԿՆ ՈՒ ՈՒՂԻՂԸ ԼՍԵԼՈՒ**

Համայնքները Աստուծոյ շնորհքով եւ Ս. Հոգիին զօրութեամբ կը կազմաւորուին, Քրիստոսի անուսով նոյն հաւատքը ունեցողներու համախմբումը վերածելով եկեղեցիի: Ահա այս շնորհքին արժանացան Քրեսենթա Հովիտի հաւատացեալները, շուրջ երկու տարիներ առաջ, երբ շրջանի հայրորդիները, հովանաւորուած Առաջնորդ Սրբազանին՝ Բարձր. Տ. Մուշեղ Ս. Արք. Մարտիրոսեանի կողմէ եւ վայելելով նեցուկը Ազգային Առաջնորդարանի Խառն Ժողովին, քով քովի եկան եւ երազը իրականութեան վերածելով համայնք ստեղծեցին, տարածուելով Լա Բանիատայէն, անցնելով Լա Քրեսենթա, Թահընկա, հասնելով մինչեւ Սանլէնտ:

Կիրակի, 9 Սեպտեմբեր 2007-ի կէսօրին, Քրեսենթա համայնքի կազմութեան երկրորդ տարեդարձին առիթով, սուրբ եւ անմահ պատարագ մատոյց Թեմիս Առաջնորդ Սրբազան Հայրը, իր կողքին Ս. Սեղանիս սպասարկող ունենալով Հոգշ. Պարթեւ Վրդ. Կիւլիւմեան եւ շրջանիս հոգեւոր մատակարար Արժ. Արտակ Բինյ. Տեմիրճեան: «Հրաշափառ» շարականի երգեցողութեամբ թափօրը մուտք գործեց եկեղեցի, ուր հաւատացեալներու բազմութիւն մը ներկայ էր:

Առաջնորդ Սրբազանը իր քարոզին նիւթ վերցուցած էր, օրուան ճաշու Աւետարանէն առնուած այն հատուածը (Մարկոս 7.31-37), ուր կը պատմուի, թէ ինչպէս Յիսուս Դեկապոլիսի մէջ, իր հրաշագործ մատներով դպաւ խուլ ու համր մարդու ականջներուն եւ լեզուին, անոր կատարեալ բժշկութիւն շնորհեց, ու մարդը սկսաւ լսել ու խօսիլ:

Սրբազանը շեշտեց, թէ Աստուծոյ Որդին ի՞նչ է որ այսօր եւս կը բանայ մարդու կարկամած լեզուն, կը քակէ խլութեան կապանքները, եւ իր բժշկութեան արժանացած մարդուն կու տայ ճշմարտութիւնները լսելու եւ խօսելու կարողութիւնն ու քաջութիւնը:

Ապա Սրբազանը մէջբերեց Ս. Ներսէս Ընդհալիի գրած «Հաւատով Խոստովանիմ»-ի 9րդ տունը, ուր մեծ հայրապետը կ'աղօթէ Աստուծոյ

խնդրելով. «Ամենախնամ Տեր, քու սուրբ երկիւղդ պահապան դիր ականջներուս՝ որ ախորժ չզգամ չար խօսքեր լսելէ, եւ բերանիս՝ որ ստուփին չխօսիմ, եւ սրտիս՝ որ չարութիւն չխորհիմ»: Աւարտին՝ Սրբազանը կոչ ուղղեց բոլորին ըսելով. »Թող մեր շրթները Աստուած փառաբանելու եւ ճշմարտութիւնները խօսելու ծառայեն եւ մեր ականջները՝ շիտակն ու ուղիղը լսելու«:

Ս. Պատարագի աւարտին, կատարուեցաւ եկեղեցւոյ կից գտնուող սրահի բացման արարողութիւնը: «Ուրախ Լեր» շարականին երգեցողութեամբ՝ Սրբազանը, շրջապատուած եկեղեցական հայրերով, սարկաւազաց եւ դպրաց դասերով, եկեղեցւոյ Երեսփոխանական, Յոգաբարձական եւ Տիկնանց Օժանդակ մարմինի անդամներով, առաջնորդուեցաւ սրահ, ուր կատարեց պաշտօնական բացումն ու տնօրինեցի արարողութիւնը:

Առաջնորդ Սրբազանը այս առթիւ նախ փառք եւ գոհութիւն վերառաքեց Աստուծոյ, ապա բարձր գնահատեց Քրեսենթա Յովիտի ծխական համայնքը, հոգաբարձական կազմը, երեսփոխանները, Տիկնանց Օժանդակ Մարմինը, դպիրներն ու երգչախումբի անդամները, բոլորին մաղթելով յարատեւ կորով եւ բարի ծառայութիւն, միաժամանակ շնորհաւորելով համայնքի հաստատման երկրորդ տարեդարձը, յոյս յայտնելով՝ որ մօտիկ ապագային Քրեսենթայի համայնքն ալ ունենայ իր սեփական եկեղեցին:

Եկեղեցւոյ ծխական խորհուրդին կողմէ ներկայ բոլոր հաւատացեալներուն հրամցուեցաւ սիրոյ ճաշ: Ճաշի ընթացքին խօսք առին շրջանիս հոգեւոր մատակարար Արժ. Արտակ Քիւյ. Տեմիրճեանը եւ Յոգաբարձական կազմի ատենապետ՝ Տիար Տիգրան Տեր Սարգիսեանը, որոնք իրենց երախտիքը յայտնեցին Առաջնորդ Սրբազան Յօր, բարերարներուն, եւ համայնքը օրէ օր կենդանի եւ ծաղկուն պահող բոլոր նուիրեալ սպասարկողներուն: Տիար Ատենապետը նշեց, թէ այս սրահը պիտի ծառայէ Քրիստոնէական Դաստիարակութեան աշխատանքներուն: Առաջնորդ Յօր տնօրինումով, յետ այսու ամէն Չորեքշաբթի երեկոներուն տեղի պիտի ունենայ Ս. Գրքի սերտողութիւն, առաջնորդութեամբ Գերպ. Ս. Միւռն Ծ. Կրդ. Ազնիկեանի, Երկուշաբթի երեկոները՝ երիտասարդաց հաւաք, առաջնորդութեամբ Յոգշ. Տ. Պարթեւ Կրդ. Կիւլիմեանի, իսկ Կիրակի կէսօրներուն՝ Կիրակնօրեայ դպրոց:

Սրբազան Յօր պահպանիչով եւ «Կիլիկիա» մաղթերգի ու «Մեր Յայրենիք» հիմներգի հաւաքական կատարումով վերջ գտաւ սիրոյ ճաշը, որմէ ետք բոլոր ներկաները գոհունակ սրտով վերադարձան իրենց տուները:

Պ.Վ.Կ.

DURING DIVINE LITURGY ON THE SECOND ANNIVERSARY OF THE
CRESCENTA VALLEY PARISH

**“LET OUR LIPS SERVE TO GLORIFY GOD
AND OUR EARS TO HEAR THE TRUTH”**

On Sunday, September 9, the Crescenta Valley parish celebrated its two year anniversary with Divine Liturgy celebrated by H.E. Archbishop Moushegh Mardirossian, Prelate, who was assisted at the altar by Very Rev. Fr. Barthev Gulumian and Rev. Ardag Demirjian.

The daily gospel reading was from Mark 7:31-37 which tells of how Jesus visited Decapolis where He performed a miracle by placing His hand on the ears and tongue of one who was deaf and had a speech impediment and opened his ears and cured his speech impediment, stressing that even today it is Jesus who makes the deaf hear and the mute speak blessing the worthy ones with the ability to hear the truth and to speak with courage. The Prelate then citing the following passage from “I Confess with Faith” by St. Nerses the Graceful, “All-caring Lord, place Thy holy fear as a guard before my ears, that they may not delight in hearing evil words, before my mouth, that it may speak no falsehood...”, concluded by declaring, “let our lips serve to glorify God and our ears to hear the truth.”

At the conclusion of Divine Liturgy, the Prelate headed in a procession to the hall adjacent to the church where he presided over the official opening of the hall. In his remarks the Prelate first thanked God for His blessings. He also commended the Board of Trustees, Delegates, Ladies Auxiliary, acolytes and choir members for their devotion and service to the parish, and congratulated them on the second anniversary of the establishment of the parish expressing his wishes for the community to have its own church in the near future.

During the ensuing reception, remarks were made by Rev. Ardag Demirjian and Board of Trustees Chairman Mr. Dikran Der Sarkissian, both of whom expressed their gratitude to the Prelate and to all those who tirelessly serve towards the development of the parish. Mr. Der Sarkissian also announced that by the ordinance of the Prelate, Bible study classes will be offered in the newly opened hall by Very Rev. Fr. Muron Aznikian on Wednesday evenings and by Very Rev. Fr. Barthev Gulumian on Monday evenings for the youth group. Sunday School classes will also be taught in the new building.

The reception came to a close with the Prelate’s benediction.